

आकाशवाणी

पैहले खास-खास खबरां:-

1. प्रधानमंत्री नरेन्द्र मोदी होरें युवा राजनयिकें गी अपनी पोस्टिंग आहले मुख्यें च जमीनी स्तह पर जुड़ाव गी निगगर बनाने ते मकामी समुदाय कन्नै भारत दे सरबन्ध गी मजबूत बनाने दा आहवान कीता।
2. केन्द्रीय गृह मंत्री अमित शाह होरें सब्बन एजेंसिं गी घुसपैठ रोकने लेई सख्त गेंs पुट्टने दे निर्देश दिते। एदे लेई उनें AI दा इस्तेमाल करने लेई बी आखेआ।
3. Unified Payment Interface UPI ने डिजिटल भुगतान दे क्षेत्र च बदलाव आंदे होई 10 बरे पूरे करी लैते न।
4. सरकारें कनक दे आटें ते सरबन्धी उत्पादें पर लग्गे दे निर्यात प्रतिबन्ध हटाई दिते न।
5. भारतीय जनता पार्टी पंजाब च होने आहले विधानसभा चुनावें दौरान सारी 117 सीटें पर चुनाव लड़ोग।
6. राष्ट्रीय सुरक्षा सलाहकार अजीत डोभाल अज्ज पेईचिंग च चीन दे विदेशमंत्री वांग यी हुंदे कन्नै चीन सीमा विवाद पर गल्लबात करगन।
7. ते श्रीलंका कन्नै दुए ते अखीरले क्रिकेट टैस्ट मैच दे दुए दिन भारत दे ध्रुव जुरेल ते देवदत्त पाडिक्कल दे शतक दी बदौलत भारत नै 9 विकेटें पर 503 रन्ज बनाइयै पैहला पारी घोषित कीती।

<><><><><><><><>

PM-IFS

प्रधानमंत्री नरेन्द्र मोदी होरें युवा राजनयिकें गी अपनी पोस्टिंग आहले मुख्यें च जमीनी स्तह पर जुड़ाव गी निगगर बनाने ते मकामी समुदाय कन्नै भारत दे सरबन्ध गी गैहरा बनाने दा आहवान कीता ऐ। नमीं दिल्ली दे “सेवा तीर्थ” च भारतीय विदेश सेवा-IFS दे 2025 आहले बैच दे सखेत्रु अधिकारिं कन्नै गल्लबात दौरान मोदी होरें उनें गी रिवायती राजनयिक दायरें चा बाहर आइयै अपने सम्पर्क तंत्र च विस्तार करने ते लोकें कन्नै जुड़ाव होर गैहरा करने लेई आखेआ। प्रधानमंत्री होरे उनें गी प्रेरत करदे होई आखेआ कि भारत दी सगगोसार संस्कृति ते सभ्यता जेहड़ी अपने-आपै च मुख्यें दी इक बड़्डी ताकत ऐ- उसी नमीं टेक्नालोजी- नवाचार ते असरदार संचार माध्यम कन्नै जोड़ियै भारत दी कुल संसारी भागीदारी गी होर मजबूत करने दे जत्त करन। प्रधानमंत्री होरे इन नमं IFS अधिकारियें गी आखेआ जे ओह वैश्विक आर्थिक सरबन्ध गी रफ्तार देने च इक प्रेरत दी भूमिका निभाई सकदे न। इस मौके उनें अधिकारियें अपनी सिखलाई दौरान दे ते कन्नै “भारत दर्शन” दौरें दे अपनी अनुभव बी सांझे कीते।

<><><><><><><><>

HM –Infiltration

केन्द्रीय गृहमंत्री अमित शाह होरें सब्बन एजेंसिं गी घुसपैठ गी रोकने लेई सख्त गेंs पुट्टने दा निर्देश दिता ऐ। नमीं दिल्ली च 9मं राष्ट्रीय सुरक्षा रणनीति सम्मेलन 2026 दा उदघाटन करदे दोई

<><><><><><>

<> <> <> <> <> <>

<> <> <> <> <> <>

केन्द्रीय खजाना मंत्री निमैला सीतारमण अज्जै थमां शुरु होने आहली कनाडा ते अमरीका दी अधिकारिक यात्रा पर न। खजाना मंत्रालय दा आखना ऐ कि इस यात्रा दा मुख्क मकसद दपक्खी आर्थिक सरबंद्धें ते माली सांझ-भ्यालिएं गी मजबूत करना- रास पूंजी लाने दे क्षेत्रें च सरबंद्धें गी गैहरा करना ते सांझी वैश्विक आर्थिक तरजीहें पर साथ-सहयोग गी अगड़े बधाना ऐ। टोरंटो च अपनी यात्रा दौरान सीतारमण होर कनाडा दे खजाना मंत्री फ्रांस्वा फिलिप शैम्पेन हुंदे कन्नै आर्थिक ते माली संवाद च हिस्सा लैगंन। सीतारमण होर उत्थू दे प्रमुख मुख्क कार्जकारी अधिकारिएं- अध्यक्षें ते सीनियर प्रतिनिधिएं कन्नै इक गोलमेज सम्मेलन च बी शामिल होगंन। इक होर गोलमेज कांफ्रेंस च वित्तमंत्री हुंदा उत्थू दे बड़डे बपार लीडरें कन्नै भारत- कनाडा सहयोग- लम्मी अवधि लेई रासपूंजी

लाने ते माली क्षेत्र दे विकास दे मौकें ते संभावनाएं पर चर्चा करने दा बी कार्यक्रम ऐ। सीतारमण कनाडा स्थित बड़्डी कम्पनिं दे CEOएं कन्नै बक्खरे-बक्खरे तौरा पर बैठकां ते कन्नै भारतीय प्रवासिं कन्नै बी इक संवाद च हिस्सा लैगन।

<><><><><><>

Punjab -BJP

भारतीय जनता पार्टी पंजाब विधानसभा चुनां च सारी 117 विधानसभा सीटें पर चुनां लड़ौग। भाजपा दे महासचिव B.L. संतोष होरें पटियाला च आखेआ जे पंजाब बदलाव लेई तयार ऐ ते पार्टी चुनां जितिं राज्य च सरकार बनाग। संतोष होर पंजाब दे 2 दिन दे दौर पर न। उन्दी यात्रा दा मकसद पार्टी दे संगठनात्मक कम्मकाज दी समीक्षा करना ते चुनावी राज्य च जमीनी सतह पर तालमेल ते तयारियें गी मजबूत करना ऐ। पंजाब च विधानसभा चुना अगले बरे दे शुरू च होने आहले न।

एदे थमां पैहले चंडीगढ़ हवाई अड्डे पर पंजाब भाजपा अध्यक्ष केवल सिंह ते प्रदेश भाजपा दे सह-प्रभारी नरिंदर सिंह रैना होरें संतोष हुंदा सोआगत कीता। उ'नें कल पटियाला ते बठिंडा च बैठकें दी अध्यक्षता कीती। अपने दौर दौरान संतोष होर पंजाब दे बक्ख-बक्ख क्षेत्रें च भाजपा नेताएं ते संगठन दे ओहदेदारें कन्नै क्षेत्रीय बैठकां करिए औंदे विधानसभा चुनां आस्तै संगठन दी गतिविधिं ते तयारिं दी समीक्षा करडन।

<><><><><><>

NSA -China Visit

राष्ट्रीय सुरक्षा सलाहकार अजीत डोवाल अज्ज पेईचिंग च चीन दे विदेश मंत्री वांग यी हुंदे कन्नै चीन सीमा विवाद पर खास प्रतिनिधिं दी गल्लबात दे 25में दौर च हिस्सा लैडन। दवै नेता सीमा कन्नै जुडे दे कन्नो-कन्नी होरनें दपक्खी- क्षेत्रीय ते अंतराष्ट्रीय मुद्दे पर व्यापक विचार-विमर्श करडन। डोवाल होर अपनी यात्रा दौरान चीन दे उप-राष्ट्रपति हान झोंग हुंदे कन्नै बी मलाटी करडन। राष्ट्रीय सुरक्षा सलाहकार कल 2 दिन दी चीन यात्रा पर पेईचिंग पुज्जे। डोवाल- वांग हुंदे कन्नै गल्लबात थवां पैहले विदेशमंत्री डाक्टर एस.जयशंकर होरें दोहराया जे बन्ने आहले इलाकें च शांति ते स्थिरत चीन कन्नै खरे सरबंंधें आस्तै इक अगेत्री शर्त ऐ। डोवाल ते वांग दवै गै बन्ने सरबंधी गल्लबात आहले तंत्र लेई नामजद विशेष प्रतिनिधि न- जेदी स्थापना 2003 च भारत-चीन सीमा विवाद दे व्यापक हल आस्तै कीती गई ही। चीन-भारत विशेष प्रतिनिधिं दी गल्लबात सीमा विवाद पर दौने मुख्ये बशकार गल्लबात दा मुख्य माध्यम ऐ। एह आपसी हित दे मुद्दे पर दौने पक्खे बशकार संवाद दा मुख्य मंच ऐ।

<><><><><><>

Cricket

कोलम्बो च श्रीलंका कन्नै दुए ते अखीरले क्रिकेट टैस्ट दे दुए रोज भारत नै ध्रुव जुरेल ते देवदत्त पांडिक्कल दे शतके दी बदौलत पैहली पारी 9 विकेटें पर 503 रन्ज बनाइयै घोषित कीती। ध्रुव जुरेल

नै शानदार प्रदर्शन करदे होई नाबाद 115 रन्ज बनाए। देवदत्त पाडिक्कल नै 117 रन्जे दी मजबूत पारी खेडिडये टीम गी मजबूती दिती ऐ। भारत श्रृंखला च 1-0 कन्नै अगगे ऐ। भारत दे 9 विकेटें पर 503 रन्जे दे परते च श्रीलंका अज्ज अपनी पैहली पारी च 2 विकेटें पर 8 रन्जे सोआ अगगे खेड्डना शुरू करोग।

<><><><><><><><>

IMD

मौसम विभाग नै अज्ज छत्तीसगढ़ ते मध्य प्रदेश च मौलाधार बरखा पौने दा ऑरेंज अलर्ट जारी कीता ऐ। विभाग नै उत्तर प्रदेश- बिहार- झारखंड- मध्य महाराष्ट्र- विदर्भ- पश्चिम बंगाल च हिमालय दे तराई आहले क्षेत्रें- पूर्वोत्तर भारत- तमिलनाडू- पुद्दुचेरी- कराईकल- तटीय कर्नाटक- केरलम ते माहे च तेज बरखा दा अनुमान जाहिर कीता ऐ। पूर्वी राजस्थान- ओडिशा- आंध्र प्रदेश- अंडमान ते निकोबार द्वीप समूह- लक्षद्वीप ते कर्नाटक च अज्ज बिजली पौने ते तेज हवा चलने दी संभावना जताई ऐ।

<><><><><><><><>

Odisha -Flood

ओडिशा च अज्ज बरखा दी गति हल्की होने दी संभावना ऐ। हालांकि बंगाल दी खाड़ी च सक्रिय निम्न दबा दा असर राज्य दे कैंई हिस्सें च अजें बी महसूस कीता जाई सकदा ऐ। उत्तरी तटीय जिले च दरमेयाने दर्जे दी बरखा होई सकदी ऐ- जिसले कि हाल च होई दी बरखे करी नदिएं च पानी दा स्तर बढ़ने करी बाढ़ प्रभावित क्षेत्रें पर सख्त नजर रक्खी जा' रदी ऐ। मौसम विभाग ने 16 जिलें लेई ऑरेंज अलर्ट जारी कीता ऐ। राज्य च 30 अगस्त तगर बरखा जारी रौहने दी संभावना ऐ।

<><><><><><><><>